

第三七三册

四庫全書

●上海古籍出版社

本册目次

通

志(二)

宋 鄭樵撰……………一

欽定四庫全書

史部
通志卷十九

詳校官侍讀臣陳萬青
編修臣袁謙履
勘

覆校官助教臣金學詩

校對官博士臣劉光第

謄錄舉人臣蔣傳馨

欽定四庫全書

通志卷十九

宋右迪功郎鄭樵撰
漁仲撰

后妃傳第一

前漢

高祖呂皇后呂雉 孝惠張皇后 高祖薄姬 孝

文宣皇后蘇氏 孝景薄皇后 孝景王皇后

孝武陳皇后 孝武衛皇后 孝武尹婕妤邢夫

欽定四庫全書

通志
卷十九

孝武鈞弋趙婕妤 孝武李夫人 孝昭上官皇

后安 衛太子史良娣 史皇孫王夫人 孝宣許

皇后 孝宣霍皇后 孝宣王皇后 孝元王皇

后 孝成許皇后 孝成班婕妤 孝成趙皇后

孝元傅昭儀 定陶丁姬 孝哀傅皇后 孝

元馮昭儀 中山衛姬 孝平王皇后

後漢公主附

光武郭皇后 光烈陰皇后 明德馬皇后賈貴

章德竇皇后梁貴人 和帝陰皇后 和熹鄧皇后

安思閻皇后 順烈梁皇后虞美人 陳夫人 孝崇匡皇后

桓懿獻梁皇后 桓鄧皇后 桓思竇皇后

孝仁董皇后 靈帝宋皇后 靈思何皇后王美

弘農王 唐姬 獻帝伏皇后 獻穆曹皇后

魏

武宣卞皇后 文昭甄皇后 文德郭皇后 明

悼毛皇后 明元郭皇后

欽定四庫全書

通志 卷十九

二

蜀

先主甘皇后 先主穆皇后 後主敬哀皇后

後主張皇后

吳

孫破虜吳夫人景 吳主權謝夫人承 吳主權徐夫

人徐 吳主權步夫人 吳主權王夫人 吳主權

王夫人 吳主權潘夫人 孫亮金夫人 孫休

朱夫人 孫和何姬 孫皓滕夫人

前漢

班固曰自古受命帝王及繼體守文之君非獨內德茂也蓋亦有外戚之助焉夏之興也以塗山而桀之放也用末喜殷之興也以有娥及有嬖而紂之滅也嬖妲己周之興也以姜嫄及大任大妣而幽王之禽也淫褒姒故易基乾坤詩首闕雎書美釐降春秋譏不親迎夫婦之際人道之大倫也禮之用唯婚姻為兢兢夫樂調而四時和陰陽之變萬物之統也可不慎與人能弘道末

欽定四庫全書

通志 卷十九

三

如命何甚哉妃匹之愛君不能得之臣父不能得之子况卑下乎既驩合矣或不能成子姓成子姓矣而不能要其終豈非命也哉孔子罕言命蓋難言之非通幽明之變惡能識乎性命漢興因秦之稱號帝母稱皇太后祖母稱太皇太后適稱皇后妾皆稱夫人又有美人良人八子七子長使少使之號焉至武帝制倂倂媵媵儀位視丞相爵比諸侯王倂倂視上卿比列侯媵媵視

中二千石比關內侯倍華視真二千石比大上造美人視二千石比少上造八子視千石比中更充依視千石比左更七子視八百石比右庶長良人視八百石比左庶長使視六百石比五大夫少使視四百石比公乘五官視三百石順常視二百石無涓共和娛靈保林良使夜者皆視百石上家人子中家人子視有秩斗食云五官以下葬司馬門外

欽定四庫全書

通志
卷十九

四

高祖呂皇后父呂公單父人也好相人高祖微時呂公見而異之乃以女妻高祖生惠帝魯元公主高祖為漢王元年封呂公為臨泗侯二年立孝惠為太子後漢王得定陶戚姬愛幸生趙隱王如意太子為人仁弱高祖以為不類已常欲廢之而立如意言如意類我戚姬常從上之關東日夜啼泣欲立其子呂后年長常留守希見並踈如意且立為趙王留長安幾代太子者數賴公卿大臣爭之及叔孫通諫用留侯之策得無易呂后為人剛毅佐高帝定天下兄二人皆為列將從征伐長兄

澤為周呂侯次兄釋之為建城侯建高祖而侯者三人高祖四年臨泗侯呂公薨高祖崩惠帝立呂后為皇太后迺令水菴囚戚夫人髡鉗衣赭衣令春戚夫人春且歌曰子為王母為虜終日春薄暮常與死為伍相離三千里當誰使告女太后聞之大怒曰乃欲倚女子邪乃召趙王誅之使者三反趙相周昌不遣太后召趙相相徵至長安使人復召趙王王來惠帝慈仁知太后怒自迎趙王霸上入宮挾與起居飲食數月帝晨出射趙王

欽定四庫全書

通志
卷十九

五

不能早起太后伺其獨居使人持鴆飲之逢帝還趙王死太后遂斷戚夫人手足去眼熏耳飲瘡藥使居鞠域中名曰人彘居數月乃召惠帝視人彘帝視而問知其戚夫人乃大哭因病歲餘不能起使人請太后曰此非人所為臣為太后子終不能復治天下以此日飲為淫樂不聽政七年而崩太后發喪哭而泣不下留侯子張辟疆為侍中年十五謂丞相陳平曰太后獨有帝令哭而不悲君知其解未陳平曰何解辟疆曰帝無壯子太

后畏君等今請拜吕台吕産為將將兵居南北軍及諸
吕皆官居中用事如此則太后心安君等幸脫禍矣丞
相如辟疆計請之太后說其哭甚哀吕氏權由此起乃
立孝惠後官子為帝太后臨朝稱制復殺高祖子趙幽
王友共王恢及燕靈王建遂立周吕侯子台為吕王台
弟産為梁王建城侯釋之子禄為趙王台子逆為燕王
又封諸吕凡六人皆為列侯追尊父吕公為吕宣王兄
周吕侯為悼武王太后八年春祓還道見物如犬據其
欽定四庫全書

通志
卷十九

六

其生子萬方終無子乃使陽為有身取後宮美人子名
之殺其母立所名子為太子惠帝崩太子立為帝四年
乃自知非皇后子出言曰太后安能殺吾母而名我我
壯即為所為太后聞而患之恐其作亂乃幽之永巷帝
病甚左右莫得見太后下詔廢之語在高后紀遂幽死
更立恒山王弘為皇帝而以吕祿女為皇后欲連根固
本牢甚然而無益也吕太后崩大臣正之卒滅吕氏少
帝恒山淮南濟川王皆以非孝惠子誅獨置孝惠皇后
廢處北宮孝文後元年薨葬安陵不起以
高祖薄姬文帝母也父吳人秦時與故魏王宗家女魏
媼通生薄姬而薄姬父死山陰因葬焉及諸侯叛秦魏
約立為魏王而魏媼內其女於魏宮許負相薄姬當生
天子是時項羽方與漢王相距滎陽天下未有所定約
初與漢擊楚及聞許負言心獨喜因背漢而中立與楚
連和漢使曹參等虜魏王豹以其國為郡而薄姬輸織
室漢王入織室見薄姬有色詔內後宮歲餘不得幸始

通志
卷十九

七

姬少時與管夫人趙子兒相愛約曰先貴無相忘已而

管夫人趙子兒先幸漢王漢王四年王坐河南宮成臯

靈臺此二美人侍相與笑薄姬初時約漢王問其故俱

以實告漢王心悽然憐薄姬是日召欲幸之對曰昨暮

夜夢蒼龍據妾胸上曰此貴徵也吾為汝遂成之一幸

生男是為代王其後希見高祖崩諸御幸姬戚夫人之

屬呂后皆幽之不得出宮而薄姬以希見故得出從子

之代為代王太后其弟薄昭從如代代王立十七年高

欽定四庫全書

通志
卷十九

八

皇后崩大臣議立後疾外家呂氏彊暴皆稱薄氏仁善

故立代王為皇帝尊太后為皇太后封弟薄昭為軹侯

太后母亦前死葬櫟陽北乃追尊太后父為靈文侯會

稽郡置園邑三百家長丞已下使奉守寢廟上食祠如

法而櫟陽亦置靈文夫人園令如靈文侯園儀太后早

失父其奉太后外家魏氏有力乃召復魏氏賞賜各以

親疏受之薄氏侯者一人太后後文帝二歲孝景前二

年崩葬南陵用呂后不合葬長陵故特自起陵近孝文

霸陵

孝文實皇后景帝母也趙之清河觀津人呂后時以良

家子選入宮侍太后太后出宮人以賜諸王各五人實

姬與在行中家在清河願如趙近家請其主遣宦者吏

必置我籍趙之伍中宦者忘之誤置籍代伍中籍奏詔

可當行實姬泣涕怨其宦者不欲往相彊乃肯行至代

代王獨幸實姬生女嫫孝惠七年生景帝代王王后生

四男先代王未入立為帝而王后卒及代王為帝後王

欽定四庫全書

通志
卷十九

九

后所生四男更病死文帝立數月公卿請立太子而實

姬男最長立為太子實姬為皇后嫫為館陶長公主明

年封少子武為代王後徙梁是為梁孝王實皇后親早

卒葬觀津於是薄太后詔追封實皇后父為安成侯母

曰安成夫人令清河置園邑二百家長丞奉守比靈文

園法實后兄長君弟曰廣國字少君年四五歲家貧為

人所畧賣其家不知其處傳十餘家至宜陽為其主人

入山作炭暮臥岸下百餘人岸崩盡壓殺臥者少君獨

脫不死自卜數日當為侯從其家之長安間皇后新立
家在觀津姓竇氏唐國去時雖少識其縣名及姓又嘗
與其姊採桑墮用為符信上書自陳竇皇后言之於文
帝召見問之具言其故果是又復問他以何為驗對曰
姊去我西時與我決於傳舍中勾沫沐我請食飯我乃
去於是竇后持之而涕泣交橫下侍御左右皆伏地泣
助皇后悲哀乃厚賜金錢田宅家於長安絳侯灌將軍
等曰吾屬不死命乃且縣此兩人兩人所出微不可不
欽定四庫全書

通志
卷十九

十

為擇師傳賓客又復效呂氏大事也於是乃選士之有
節行者與居竇長君少君用此為退讓君子不敢以尊
貴驕人竇皇后疾失明文帝所幸邯鄲慎夫人尹姬皆
無子文帝崩景帝立皇后為皇太后封廣國為董武侯
長君前死封其子彭祖為南皮侯吳楚反太后從昆弟
子竇嬰使喜士為大將軍破吳楚封魏其侯竇氏凡三
人侯竇太后好黃帝老子言景帝及諸竇不得不讀黃
帝老子而尊其術太后後景帝六歲凡立五十一年建

元六年崩合葬霸陵遺詔蓋以東宮金錢財物賜長公
主嫖至孝武帝時魏其侯竇嬰為丞相後誅

孝景薄皇后孝文薄太后家女也景帝為太子時薄太
后取以為太子妃景帝立立薄妃為皇后無子無寵立
六年薄太后崩皇后廢廢後四年薨葬長安城東平望
亭南

孝景王皇后武帝母也槐里人母曰臧兒故燕王臧荼
孫也嫁為槐里王仲妻生男信與兩女而仲死臧兒更
欽定四庫全書

通志
卷十九

十一

嫁長陵田氏生男蚡勝臧兒長女嫁為金王孫婦生一
女矣而臧兒卜筮之曰兩女皆當貴因欲倚兩女乃奪
金氏金氏怒不肯與決乃內之太子宮太子幸愛之生
三女一男男方在身時王夫人夢日入其懷以告太子
太子曰此貴徵也未生而文帝崩景帝即位王夫人生
男是時薄皇后無子後數歲景帝立齊栗姬男為太子
而王夫人男為膠東王長公主嫖有女欲與太子為妃
栗姬妬而景帝諸美人皆因長公主見得貴幸栗姬曰

怨怒謝長主不許長主欲與王夫人王夫人許之會薄

皇后廢長公主日譖栗姬短景帝嘗屬諸姬子曰吾百

歲後善視之栗姬怒不肯應言不遜景帝心銜之而未

發也長公主日譽王夫人男之美帝亦自賢之又耳曩

者所夢日符計未有所定王夫人又陰使人趣大臣立

栗姬為皇后大行奏事文曰子以母貴母以子貴今太

子母號宜為皇后帝怒曰是乃所當言邪遂案誅大行

而廢太子為臨江王栗姬愈恚不得見以憂死卒立王

欽定四庫全書

通志
卷十九

正

夫人為皇后男為太子封皇后兄信為蓋侯初皇后始

入太子家後女弟兒姁亦復入生四男兒姁早卒四子

皆為王皇后長女為平陽公主次南宮公主次隆慮公

主皇后立九年景帝崩武帝即位為皇太后尊太后母

臧兒為平原君封田蚡為武安侯勝為周陽侯王氏田

氏侯者凡三人蓋侯信好酒田蚡勝貪巧於文辭蚡至

丞相追尊王仲為共侯槐里起園邑二百家長丞奉守

及平原君薨從田氏葬長陵亦置園邑如共侯法初皇

太后微時所為金王孫生女俗在民間蓋諱之也武帝

始立韓嫣白之帝曰何為不早言乃車駕自往迎其家

在長陵小市直至其門使左右入求之家人驚恐女逃

匿扶將出拜帝下車立曰大姊何藏之深也載至長樂

宮與俱謁太后太后垂涕女亦悲泣帝奉酒前為壽錢

千萬奴婢三百人公田百頃甲第以賜姊太后謝曰為

帝費因賜湯沐邑號修成君男女各一人女嫁諸侯男

號修成子仲以太后故橫於京師太后凡立二十五年

欽定四庫全書

通志
卷十九

正

後景帝十五歲元朔三年崩合葬陽陵

孝武陳皇后長公主嫖女也曾祖父陳嬰與項羽俱起

後歸漢為堂邑侯傳子至孫午午尚長公主生女初武

帝得立為太子長主有力取主女為妃及帝即位立為

皇后擅寵驕貴十餘年而無子間衛子夫得幸幾死者

數焉上愈怒后又挾婦人媚道頗覺元光五年上遂窮

治之女子楚服等坐為皇后巫蠱祠祭詛大逆無道

相連及誅者三百餘人楚服梟首於市使有司賜皇后

策曰皇后失序感於巫祝不可以承天命其上璽綬罷
退居長門宮明年堂邑侯午薨主男頌嗣侯主寡居私
近董偃十餘年主薨須坐淫亂兄弟爭財當死自殺國
除後數年廢后迺薨葬霸陵郎官亭東

孝武衛皇后字子夫生微也其家號曰衛氏出平陽侯
邑子夫為平陽主謳者武帝即位數年無子平陽主求
良家女十餘人飾置家帝被霸上還過平陽主主見所
侍美人帝不說既飲謳者進帝獨說子夫帝起更衣子
歛定四庫全書 通志 卷十九 古

夫侍尚衣軒中得幸還坐歡甚賜平陽主金千斤主因
奏子夫送入宮子夫上車主拊其背曰行矣彊飯勉之
即貴願無相忘入宮歲餘不復幸武帝擇宮人不中用
者斥出之子夫得見涕泣請出上憐之復幸遂有身尊
寵召其兄衛長君弟青侍中而子夫生三女元朔元年
生男據遂立為皇后先是衛長君死乃以青為將軍擊
匈奴有功封長平侯青三子在襁褓中皆為列侯及皇
后姊子霍去病亦以軍功為冠軍侯至大司馬驃騎將

軍青為大司馬大將軍衛氏支屬侯者五人青還尚平
陽主皇后立七年而男立為太子後色衰趙之王夫人
中山李夫人有寵皆早卒後有尹婕妤鈞弋夫人更幸
衛后立三十八年遭巫蠱事起江充為姦太子懼不能
自明遂與皇后共誅充發兵兵敗太子亡走詔遣宗正
劉長樂執金吾劉敢奉策收皇后璽綬自殺黃門蘇文
氏悉滅宣帝立乃改葬衛后追諡曰思后置園邑三百

歛定四庫全書 通志 卷十九 古
家長丞周衛奉守焉

孝武尹夫人號婕妤邢夫人號嫺娥俱為武帝所幸有
詔不得相見尹夫人自請於帝曰願見邢夫人帝許之
即令他夫人飾從御者數十人來前尹夫人望見之曰
此非邢夫人身也帝曰何以言之對曰視其形狀不足
以當人主矣於是帝乃使邢夫人衣故衣獨身來前尹
夫人望見之曰此真是矣於是乃低頭俛而泣自痛其
不如也諺曰美女入室惡女之仇褚先生曰浴不必江

海要之去垢馬不必騏驎要之善走士不必賢世要之知道女不必貴種要之貞好傳曰女無美惡入官見妬士無賢不肖入朝見嫉美女者惡女之仇豈不然哉

孝武鉤弋夫人趙婕妤昭帝母也河間人武帝巡狩過河間望氣者言此有奇女天子亟使使召之既至女兩手皆拳上自披之手即時伸由是得幸號曰拳夫人先是其父坐法官刑為中黃門死長安葬雍門拳夫人進為婕妤居鉤弋宮大有寵本始三年生昭帝號鉤弋子

欽定四庫全書

通志
卷十九

六

任身十四月乃生上曰聞昔堯十四月而生今鉤弋亦然乃命其所生門曰堯母門及衛太子敗而燕王旦廢陵王胥多過失寵姬王夫人男齊懷王李夫人男昌邑哀王皆早薨鉤弋之子年五六歲壯大多知上常言類我又感其生與眾異甚奇愛之心欲立焉上居甘泉宮召畫工圖畫周公負成王於是左右羣臣知武帝欲立少子也後數日上幸甘泉以微過譴責鉤弋婕妤侍侍脫簪珥叩頭帝曰引持去送掖廷獄婕妤還顧帝曰趣

行汝不得活婕妤死雲陽宮時暴風揚塵百姓傷感使

者夜持棺往葬之封識其處其後帝問居問左右曰人言云何對曰人言且立其子何去其母乎帝曰然非兒曹愚人所知也往古國家所以亂者由主少母壯也女主獨居驕蹇姪亂自恣莫能禁也汝不聞呂后邪故諸為武帝生子者無男女其母無不謹死未幾帝疾病乃立鉤弋子為皇太子拜奉車都尉霍光為大司馬大將軍輔少主以所畫周公負成王像賜之既而帝崩昭帝

欽定四庫全書

通志
卷十九

七

即位追尊鉤弋婕妤為皇太后發卒二萬人起雲陵邑三千戶追尊外祖趙父為順成侯詔右扶風置園邑二百家長丞奉守如法順成侯有姊君姑賜錢二百萬奴婢第宅以充實焉諸昆弟各以親疏受賞賜趙氏無在位者唯趙父得封

孝武李夫人本以倡進初夫人兄延年性知音律善歌舞武帝愛之每為新聲變曲聞者莫不感動延年侍上起舞歌曰北方有佳人絕世而獨立一顧傾人城再顧

傾人國寧不知傾城與傾國佳人難再得上歎息曰善

世豈有此人乎平陽主因言延年有女弟上乃召見之

實妙麗善舞由是得幸生一男是為昌邑哀王李夫人

少而早卒上憐憫焉圖畫其形於甘泉宮及衛思后廢

後四年武帝崩大將軍霍光緣上雅意以李夫人配食

追上尊號曰孝武皇后初李夫人病篤上自臨候之夫

人蒙被謝曰妾久寢病形貌毀壞不可以見帝願以王

及兄弟為託上曰夫人病甚殆將不起一見我屬託王

欽定四庫全書

通志
卷十九

六

及兄弟豈不快哉夫人曰婦人貌不修飾不見君父妾

不敢以燕媵見帝上曰夫人但一見我將加賜千金而

與兄弟尊官夫人曰尊官在帝不在一見上復言欲必

見之夫人遂轉鄉歛歛而不復言於是上不悅而起夫

人姊妹皆讓之曰貴人獨不可一見上屬託兄弟邪何

為恨上如此夫人曰所以不欲見帝者乃欲以深託兄

弟也我以容貌之好得從微賤愛幸於上夫以色事人

者色衰則愛弛愛弛則恩絕上所以拳拳顧念我者力聲

全反又讀作慈乃以平生容貌也今見我毀壞顏色非故必且

畏惡吐弃我意尚肯復追思閱錄其兄弟哉及夫人卒

上以后禮葬之其後上以夫人兄廣利為貳師將軍封

海西侯延年為協律郎都尉上思念夫人不已有方士

齊人李少翁言能致其神乃夜張燈燭設帷帳陳酒肉

而令上居他帳遙望見好女如李夫人之貌還幄坐而

步又不得就視上愈益相思悲感為作詩曰是邪非邪

立而望之偏何姍姍其來遲姍先安反令樂府諸音家絃歌

欽定四庫全書

通志
卷十九

六

之上又自作賦以悼之其後李延年弟季坐姦亂後宮

廣利降匈奴家族滅矣

孝昭上官皇后祖父桀隴西上邽人也少時為羽林期

門郎從武帝上甘泉天大風車不得行解蓋授桀奉

蓋雖風常屬車雨下蓋輒御上奇其材力遷未央廡令

上嘗體不安及愈見馬馬多瘦上大怒令曰以我不復

見馬邪欲下吏桀頓首曰臣聞聖體不安日夜憂懼意

誠不在馬言未卒泣數行下上以為忠由是親近為侍

中稍遷至太僕武帝疾病以霍光為大將軍桀為左將軍皆受遺詔輔少主昭帝始立年八歲帝長姊鄂邑蓋公主居禁中共養帝蓋主私近子客河間丁外人上與大將軍聞之不絕主驪有詔外人侍長主長主內周陽氏女令配耦帝時上官安有女即霍光外孫安欲因光內之光以為尚幼不聽安素與丁外人善說外人曰間長主內女安子容貌端正誠因長主得入為皇后以臣父子在朝而有椒房之重成之在於足下漢家故事常

欽定四庫全書

通志
卷十九

三

以列侯尚主足下何憂不封侯乎外人喜言於長主長主以為然詔召安女入為使行安為騎都尉月餘遂立為皇后年甫六歲安以后父封桑樂侯遷車騎將軍日以驕淫受賜殿中出對賓客言與我壻飲大樂見其服飾使人歸自欲燒物安醉則裸行內與後母及父諸良人侍御皆亂其子病死仰而罵天數守守謂求請也大將軍光為丁外人求侯及桀欲妄官祿外人光執正皆不聽又桀妻父所幸充國為太醫監闡入殿中下獄當死冬

月且盡蓋主為充國入馬二十疋贖罪迺得減死論由是桀安父子深怨光而重德蓋主知燕王旦帝兄不得立怨望桀安即記光過失予燕王令上書告之又為丁外人求侯燕王大喜上書稱子路喪姊期而不除孔子非之子路曰由不幸寡兄弟不忍除之故曰觀過知仁今臣與陛下獨有長公主為姊陛下幸使丁外人侍之外人宜蒙爵號書奏上以問光光執不許又告光罪過上又疑之愈親光而疏桀安桀安寢恚遂結黨與謀殺光誘徵燕王至而誅之因廢帝而立桀或曰當如皇后何安曰逐廢之狗當顧菟邪且用皇后為尊一旦人主意有所移雖欲為家人亦不可得此百世之一時也事發覺燕王蓋主皆自殺桀安宗族皆滅皇后以年少不與謀復光外孫故得不廢皇后母前死葬茂陵郭東追尊曰敬夫人置園邑二百家長丞奉守如法皇后自使私奴婢守桀安冢光欲皇后擅寵有子帝時體不安左右及醫皆阿意言宜禁內雖宮人使令皆為窮絳多其

欽定四庫全書

通志
卷十九

三

帶故後宮莫有進者皇后立十歲而昭帝崩后年十四
五云昌邑王賀徵即位尊為皇太后光與皇太后共廢
王賀立孝宣帝宣帝即位為太皇太后凡立四十七年
年五十二建昭二年崩合葬平陵

衛太子史良娣宣帝祖母也太子有妃有良娣有孺子
妻妾凡三等子皆稱皇孫史良娣家本魯國有母貞君
兄恭以元鼎四年入為良娣生男進號史皇孫武帝未
巫蠱事起衛太子及良娣史皇孫皆遭害史皇孫有一

欽定四庫全書

通志

卷十九

三

男號皇曾孫時生數月猶坐太子繫獄積五歲乃遭赦
治獄使者郅吉憐皇曾孫無所歸載以付史恭恭母貞
君年老見孫孤甚哀之自養視焉後曾孫收養掖庭遂
登至尊位是為宣帝而貞君及恭已死恭三子皆以舊
恩封長子高為樂陵侯曾為將陵侯元為平臺侯及高
子丹以功德封武陽侯史氏侯者凡四人高至大司馬
車騎將軍丹大將軍自有傳

史皇孫王夫人宣帝母也名翁須太始中得幸於史皇

孫皇孫妻妾無號位皆稱家人子征和二年生宣帝帝

生數月衛太子皇孫敗家人子皆坐誅莫有收葬者唯
宣帝得全宣帝即位追尊母王夫人諡曰悼后祖母史
良娣曰戾后皆改葬起園陵長丞奉守地節三年求得
外祖母王媪媪男無故無故弟武皆隨使者詣闕時乘
黃牛車故百姓謂之黃牛媪初上即位數遣使者求外
家久遠多似類而非是既得王媪令太中大夫任宣與
丞相御史屬雜考問鄉里知識者皆曰王媪媪言名妾

欽定四庫全書

通志

卷十九

三

人家本涿郡蠡吾平鄉年十四嫁為同鄉王更得妻更
得死嫁為廣望王媪始婦產子男無故武女翁須翁須
年八九歲時寄居廣望節侯子劉仲卿宅仲卿謂媪始
曰予我翁須自養長之媪為翁須作縑單衣送仲卿家
仲卿教翁須歌舞往來歸取冬夏衣居四五歲翁須來
言邯鄲賈長兒求歌舞者仲卿欲以我子之媪即與翁
須逃走之平鄉仲卿載媪始共求媪媪惶急將翁須歸
曰兒居君家非受一錢也奈何欲予他人仲卿詐曰不

也後數日翁須乘長兒車馬過門呼曰我果見行當之
柳宿媪與迺始之柳宿見翁須相對涕泣謂曰欲為女
自言翁須曰母置之何家不可以居自言無益也媪與
迺始還求錢用隨逐至中山廬奴見翁須與歌舞等比
五人同處媪與翁須共宿明日迺始留視翁須媪還求
錢欲隨至邯鄲媪糶買未具迺始來歸曰翁須已去我
無錢用隨也因絕至今不聞其問賈長兒妻貞及從者
師遂辭往二十歲太子舍人侯明起從長安來求歌舞

欽定四庫全書

通志
卷十九

五

者請翁須等五人長兒使遂送至長安皆入太子家及
廣望三老更始劉仲卿妻其等四十五人辭皆驗宣奏
王媪悼后母明白上皆召見賜無故武爵闕內侯旬月
間賞賜以鉅萬計頃之制詔御史賜外祖母號為博平
君以博平蠡吾兩縣戶萬一千為湯沐邑封舅無故為
平昌侯武為樂昌侯食邑各六千戶初迺始以本始四
年病死後三歲家迺富貴追賜諡曰思成侯詔涿郡治
冢室置園邑四百家長丞奉守如法歲餘博平君薨諡

曰昭成夫人詔徙思成侯合葬奉明顧成廟南置園邑
長丞罷涿郡思成園王氏侯者二人無故子接為大司
馬車騎將軍而武子商至丞相自有傳

孝宣許皇后元帝母也父廣漢昌邑人少時為昌邑王
即從武帝上甘泉誤取他郎鞍以被其馬發覺吏劾從
行而盜當死有詔募下蠶室若死罪囚欲
記宮者聽之後為宦者丞
上官桀謀反時廣漢部索其殿中廬有索長數尺可以
縛人者數千枚滿一筐緘封廣漢索不得他吏往得之

欽定四庫全書

通志
卷十九

五

廣漢坐論為鬼薪輸掖庭後為暴室曹夫時宣帝養於
掖庭號皇曾孫與廣漢同寺居時掖庭令張賀本衛太
子家史及太子敗賀坐下刑以舊恩養視皇曾孫甚厚
及曾孫壯大賀欲以女妻之是時昭帝始冠長八尺二
寸賀弟安世為右將軍與霍將軍同心輔政聞賀稱譽
皇曾孫欲妻以女安世怒曰曾孫乃衛太子後也幸得
以庶人衣食縣官足矣勿復言子女事賀迺止時許廣
漢有女平君年十四五當為內者令歐侯氏子婦臨當

入歐侯氏子死其母將行卜相言當大貴母獨喜賀問許盻夫有女廼置酒請之酒酣為言曾孫體近下人乃關內侯可妻也廣漢許諾明日姬聞之怒廣漢重令為介遂與曾孫一歲生元帝數月曾孫立為帝平君為使仔是時霍將軍有小女與皇太后有親公卿議更立皇后皆心儀霍將軍女亦未有言上乃詔求微時故劍大臣知指白立許倂仔為皇后既立霍光以后父廣漢刑人不宜君國歲餘乃封為昌成君霍光夫人顯欲貴其小女道無從明年許皇后當娠病女醫淳于衍者霍氏所愛嘗入宮侍皇后疾衍夫賞為掖庭戶衛謂衍可過辭霍夫人行為我求安池監衍如言報顯顯因生心辟左右字謂衍稱衍字曰少夫少夫幸報我以事我亦欲報少夫可乎衍曰夫人所言何等不可者顯曰大將軍素愛小女成君欲奇貴之願以累少夫衍曰何謂邪顯曰婦人免乳大故十死一生今皇后當免身可因投毒藥去也成君即得為皇后矣如蒙力事成富貴與少夫共之行

欽定四庫全書

通志

卷十九

曰藥雜治當先嘗安可顯曰在少夫為之耳將軍領天下誰敢言者緩急相護但恐少夫無意耳衍良久曰願盡力即搗附子齋入長定宮皇后免身後衍取附子并合大醫大丸以飲皇后有頃曰我頭岑岑也藥得無有毒對曰無有遂加煩懣崩行出過見顯相勞問亦未敢重謝衍後有人上書告諸醫侍疾無狀者皆收繫詔獄劾不道顯恐事急即以狀具語光因曰既失計為之無令吏急衍光驚愕默然不應其後奏上署衍勿論許后立三年而崩諡曰恭哀皇后葬杜南是為杜陵南園後五年立皇太子迺封太子外祖父昌成君廣漢為平恩侯位特進後四年復封廣漢兩弟舜為博望侯延壽為樂成侯許氏侯者凡三人廣漢薨諡曰戴侯無子絕葬南園旁置邑三百家長丞奉守如法宣帝以延壽為大司馬車騎將軍輔政元帝即位復封延壽中子嘉為平恩侯亦為大司馬車騎將軍奉戴侯後

欽定四庫全書

通志

卷十九